

頭 齋

博物新編

小室誠一頭書

第三集

一 叔 1
1386
3 下



門二叔1
為 2.386
卷 9 止



鼇頭博物新編三集目錄

鳥獸畧論

猴類

象論

犀論

虎類論
內獅子載

虎論

豹論

犬類

熊羆論

馬論

駱駝論

鼈獸論

胎生魚論
鯨魚


鷹類論

無翼禽論

涉水鳥

博物新編三集

目錄



鳥類	獸類	魚類	昆蟲類	植物類
...
...
...
...

博物新編 三集目錄


...


鱗介類



魚

卵生類





鼈頭博物新編三集

英國醫士合信原著
日本小室誠一頭書

鳥獸略論

昆明蟲也言
陽而生陰而
藏者

天下昆蟲禽獸種類甚多人知其名而識其性者計得三十萬種其有脊骨之屬一為胎生二為卵生三為魚類四為介類四類之中以胎生為最靈西人分其類為八族一曰韋族如犀象豕馬是也二曰脂族如江豚海馬鯨鯢是也三為翻芻族如牛羊駝鹿之類四為食蟻族如穿山甲之類五為錯齒族如貂蝟兔鼠之類六為啖肉族如貓獅虎獺豺熊之類七為飛鼠族如蝙蝠之類八為禺族如獼猴之類各種各族皆有自然之性如

龜伏卵也本
作菹蛋鳥卵
也或作蛋
鮪魚子也
五官謂視聽
嗅味觸之官
能也

脰鳥胃也
鳥領育食處
也

蟻之釀蜜作窠鳥之作巢龜蛋魚鱉之覓水生鮪蛛蠶之吐絲
作繭均出于本原之智不教不學不減不增惟獸類始有練增
原智者蓋因其五官妙用各有所長如鹿兔善聽貓虎善嗅獼
猴善覺食肉類善視莫不愈老愈靈若蛇耳喜聽樂鷹目能望
遠亦終不能以本原之質而加以習學之智也夫天之生物各
適其宜魚浮以胞魚游以翅鳥飛以翼翮禦冷以茸毛鵝鴨之
能游泳以其掌也鶴鷺覓食于水項足長也蝙蝠無足不能行
地則有翼端懸掛之鉤象類頸短不能俯仰自有鼻端拾撥之
指鹿牛食草而難化則有反芻之胃雀鳥食穀而乾澁則有脰
嚙之能蛛食蠅蚋而不能飛自能出絲以網之鷹隼食肉而無

字書無餵字
而有喂字然
無養義用之
飼養之義者
未詳其故
蚱蟻蟲螽也
鮪魚有數種
而鮫亦同類
也

齒牙自有嘴爪以攫之鷄鳴生而能食脫殼即行鳥雛生而必
餵嘴有黃喙棉羊無自衛之能夜識歸欄而宿鳥賊防他魚之
噬險則噴墨而蒙蛻遇虎狼聳毛若箭蜂虫禦敵螞蟻如針蚱
蟻為飛鳥之糧特出穢涎而保命蛇蜈乃長軀之物毒隨牙發
以攻仇他如螺壳蠃鉗莫不有護身之法是皆化工使之自衛
其生者某地有碩鼠腹有外胎胎有數乳產後育子于其中一
遇險厄母即囊子逃逸又外海多鮪魚其腹恆餓覓食無已時
然其口在肚下見有人畜落水必須反身乃能吞啖善泅泳者
每能持刃以伺刺之嘗有某甲入海遇鯊追逐急不能避竟被
吞噬半身某乙大怒隨即入海刺鯊格鬪良久乃殺鯊而上共

鱷魚而有四
足性猛惡食
人

剖鮎腹某甲半身尚在遂將兩半合而葬之嗚呼海有鮎鱷山
有虎狼天曷生乎此蓋禽獸蕃殖日積月多若不相殘相殺勢
必逼人無地必不得已而有虎鱷焉皆為化工之深意所謂無
物而不合世用者此也

[Faint bleed-through text from the reverse side of the page]

牝狃



牝狃




獵人追捕
抱子逃命

狡狂也猾亂也詐也狡也
 處類裏貯食

猴類

猿猴狙狝同類而異名曰臂童曰巴兒曰山公曰野賓曰蒙頌
 曰獬鬣曰果然曰狴狴曰狒狒曰猢猻曰虞曰獲曰獨曰禺其
 號指不勝屈西國別其種為三長尾者一種短尾者一種無尾
 者一種其性狡猾喜跳舞視諸獸為最靈猴雖靈而畏人若不
 食菓棲林哀鳴長嘯拔條過樹捷若飛禽足短臂長頰有兩嘍
 尾大而長者為禺能以尾端捲木懸身作翻空舞尾短而頭大
 者為獨狀惡性頑面長如犬鼻孔連唇眼深眉凸齒大嘍長力
 強性妬怒則以手抓撲牧者妬則以手扼殺同類所謂獨一叫
 而猿散者此也尾長而仰鼻者為狝鬣多而鬣長者為虞此二

博物新編 三集




也 往所謂程々

準梁鼻柱也

類頗馴無尾而身長者為狴性頗如人長四五尺上下三十二齒兩頰無賺胸潤胃凸鼻無準梁指有黑甲兩蹠相對每于林中以枝葉作小屋嘗有獵人入山見一牝狴抱兒覓食彈以火鎗直中其胸狴負痛緣木撫兒怒號吐血瀕死力擲其兒于高枝之杪遂昏絕倒地兒抱枝悲叫殊堪惋惜獵人自後不復操此業焉西國博物園內有欄籠專畜猴屬種類甚多小者如鬼大者如豕教以跳作觀者忘倦其性愛熱而惡寒產於赤道附近諸國若攜往北方嚴寒之地三四年間多以肺疾而死亞墨利加南州其類甚繁山園菓木熟時多竊掠一空其竊之法先使一老猴登高瞭望然後聯羣列隊而立登木摘果者數猴取

警戒也
宵小猶小夕也

次遞傳頃刻盡其一樹又顧而之他時遇園丁巡護老猴疾呼報警一聞而散無踪影若老猴忘報歸巢之後眾猴共撲殺之其狡猾如此所謂援狴晚成羣其亦偷果之宵小乎



象論

象與豕同類其種有二一產于亞細亞州一產于亞非利加州長約一丈身高七尺力勝九馬頭大耳長目小頸短不能俯首飲食不能轉盼顧後鼻長五尺準端生一小指所以拾掇芥粒口外貳牙七尺口內大牙數齒粗澁如磨初生五歲齣換一次自後永不退脫俗傳每歲更換穴地藏齒皆為謬語其聲清越細不驚人四足穩重蹄有五趾孕胎二十月而生奶在前蹄之後每產一子三年一乳野象易孕家象難胎子飲乳時搭其鼻于背壽長百有餘歲毛疏皮厚彈丸亦難透入色有黑白二種喜食樹根木葉捲鼻拔樹如農圃以手拔蔬根深蒂固者先以

齣換齒更生也

奶乳也

搭附也挂也

挖音幹挑也
掘也

鬆實猶厚也

貳牙挖拔搖動夜則羣處深林熱則浮泗河澗出入成羣每羣
有王或數十或數百擁隨其後莫不遵循怯服王行亦行王止
亦止穉子行緩牝母即以鼻捲抱而前羣象過河並皆以鼻仰
伸水面遠望見者幾疑中流肉柱登岸之時王先探地鬆實務
得實地乃呼羣躋升覓有陰林王以貳牙拂拔樹木重條疊穎
分折成途遂以此為巢穴時遇牝牡期至便出林呼叫引類若
遇象王期至必逐諸隊而密合林中既定乃能復聚仿若有尊
卑之分焉凡獵戶捕象多俟其期而誘以計其捕之之法或當
要路挑挖陷阱上填草木以坑之象陷坑中初則甚怒繼則甚
飢獵者按日擲草填坑承飢訓導象感飼食之德日漸以馴十

招以擗字之
換用乎

餘日後便與家象聯羣不復知有山林之念又法候野象牡期
慾熾即放馴牝誘使迷惑象奴看象之人匿伏暗陬伺其親狎忘機
潛以大繩索繫蹄足因教使馴乃釋索而制以奴凡欲乘騎駕
載或作工牽物象奴出聲靡不貼耳從聽行道之時奴持鉄鞭
跨坐頸項逆命則刺其耳西域印度等國戰役必用使拾炮灘行擱
淺必命使推舟其馴良靈敏實為諸獸之冠但不可故激其怒
怒則報復嘗有一成衣店諸縫工圍牀製服適有過象止于其
門象偶置鼻于縫牀之上縫匠戲刺以針象忍痛不怒隨路吸
含穢水比返即以穢物噴嗅縫人舉市皆大笑又有一怒象性
烈而狂逸攔逃出路人皆懼走內一婦忘抱其兒眾各為婦驚

拂蓮也戾也

麗充物也

憂以為必死于象，迨象行近，反以鼻抱兒置于路石之側，眾問其故，蓋婦以賣菜為生，每遇象過，必以餘菜飼象，故象怒亦能記其德也。又有某奴，悞拂象性，象怒殺之，奴婦抱子哭訴于象，曰：「吾夫屈身作牧，只為家貧，今汝逞此狠毒，使吾母子無所依歸，汝既殺其父，請並殺其子。」話畢，委兒于象下，象俯視良久，以鼻捲兒置坐項間，意欲以兒代父作牧。後象主果任其兒，其象亦比前較馴。云云。亞非利加國有荷欄獵戶，兄弟三人皆以捕象採牙為業，後以此致富，將欲歸享治，在既畢，更獵一圍，以快餘勇，不料反為象困，莫敢急難，遂被捲却。一人拋擲半空，復以兩齒承接其腹，斯人竟貫胷死焉。夫象之為獸，麗然大物，乃為

牙故而戕其生，亦事之殘忍者至。若暹羅之事象，又為詐偽之愚，均可慨矣。暹羅國重佛敬白象，為神，謂善人之死，魂居其中，每獻食物，載以金銀碗盞，惟恐褻瀆，獲罪其俗，陋如此。

犀論


犀之為獸，小于象而大于牛，身長九尺六寸，體之週環亦如之。類有兩種，一為獨角，一為雙角，生于鼻準之上有長一二尺者，眼小而深，耳向上如驢，皮黑而厚，頸股多皺，鞞刀鎗箭銃皆不能入，上唇長如馬，下唇短如牛，腹大足短，耳鼻善聞，飽則游泳水中，怒則猛進無退，所向樹木摧折，虎狼辟易，蓋恃其體重而力雄，故以頭撞為鬪格，所居與獅虎同山，每行必獮狗如豕，然

獮豕臭也
狗豕鳴也

其性畏蠅蚋每滾坭淖爲護身計獨角犀產于越南暹羅印度等國雙角犀產于亞非利加州每胎一子數年一孕所食惟草蔬樹根啖嚼極多且其性頑而蠢此化工不欲繁廣其類也上番獵犀之法二人各跨一馬一在其後一馳其前犀見即止將欲作勢後人急以刀削其足筋犀遂倒落乃從而殺之由是貨其皮角一犀約得數十金取其皮作馬鞭取其角作杯盞噉嚙俗用其尿牙皮蹄作藥用其角解五毒効驗殊非有貴公子家藏犀角玩器甚多雕鏤精巧有辟塵却暑消毒等號價重千金然屢試不驗猶珍若珠寶亦金鋼石爲佛牙之流歟

天竺古稱佛國死物奉事土偶木石生物奉事走獸飛禽風俗

爲最陋其絕誕者莫如祖死化牛一節彼俗父母將死卽擇白牛一犢召僧徒誦經禮拜立爲聖牛給以殊食配以數牝日則縱游里巷夜則引處美欄糞溺街衢不敢怒踐踏圍圃不敢噴事死如事生敬牛如敬父富紳鉅族恬不知羞相習成風牢不可破拙亦極矣




大獅 產于亞非利加 獸中 之 王



獅巢乳子 見蛇發怒

		<p>阿拉伯木蘇突</p>	
--	--	---------------	--



虎




豹




蛇大


兒嚼虎牝



兒戲豹牝



獅



熊之極北

虎類論 內載獅子

獅、虎、貓、豹、大小同類，其性貪殘，所食惟肉，捉攫跳躍，利用爪牙，其爪伸縮如意，其牙交錯如剪，掌有軟胞，登高躍下，恆不痛楚，脰有橫鬚，知疼覺癢，凡入林穴，試可乃進，前腿大于後，擒捉生物，必躍而殺之，力勢甚雄，人畜皆懼，除貓之外，家養不馴，其類以獅為最大，產于亞細亞、墨利加二州，身長四尺，高三尺餘，自首至尾共長八尺，面毛疏短，鬃鬣形長，怒則竦豎，鬃鬣狀貌，獅惡成伏，百獸，虎豹亦為所制，色麻而黃，目圓而大，晝伏夜出，瞳人長豎，饑伺飽眠，或居山林巖穴，或處茅裡蘆中，日間覓食，舒縮如貓，饑伺飽眠，或居山林巖穴，或處茅裡蘆中，日間覓食，伏水濱，以俟渴獸，夜間覓食，俯地大吼，聲如遠雷，麋鹿聞之莫

鬃鬣領毛也
形謂獸多毛也
鬃鬣猛獸奮鬃鬣也

踔走也又猶越也

不驚走撞遇必為所食牝獅鬣短如虎懷胎四月而生每生三四子牝牡遞相哺育飲乳週歲即離母覓食牝期既屆便有數牡爭雄交合之時吼如貓怒牝產子後其性甚猛牡獅莫之敢撻凡捉牛擒馬皆背負以走奮威一踔牛馬脊骨亦裂所殺多猛獸餒極始啖人既食人肉自後則喜啖人獸之弱者每為所釋人類之肉喜齧黑奴飢能數日不食渴必每日一飲嘗有黑奴牽牛飲水忽見池中露二巨眼注視不瞬牧奴細認知是餓獅竊幸有肥牛供食當不為其所殘遂釋牛疾走獅竟衝牛逐之牧奴緣木登避獅蹲守樹下仰望流涎盡一晝夜始奔泉以去牧奴乘機走歸獅復至故所攝跡直抵其門次日乃離而去焉西國博物

拔刺云々蓋老僕曾有拔救獅之刺喉事也

園有一馴獅常與牧者狎戲牧者擊啟獅脰直抵頭于獅口之中觀者莫不股慄後牧者死獅甚悲呼數日亦斃云羅馬國古例凡罪人當死必置于牢以飽獅腹嘗有老僕得罪其主王使囚諸獅牢以殺之獅嗅視良久掉尾搖頭似甚親愛王問其故乃數年前曾為之拔刺云云

虎論

虎身高三尺首尾長約七尺黃背黑紋肚色純白尾毛黃黑相間齒牙尖銳爪利如錐性黠而殘不激而怒喜戕生物禽獸聲能振物驚人力能負牛疾走一胎四五子孕四月而生牝虎愛戀其兒牡虎置而不顧產于亞細亞州之南以印度新嘉坡蘇

門荅立為最多前五十年印度虎患甚劇英吉利官遍出賞格以招虎師擬以擒獲一虎謝銀數元一年之內遂費庫帑七萬五千餘元虎患自是一息然終不能絕滅其類近年旅客樵夫尚亦有遭其害者印度有武弁方食忽被巨虎嚼負而去正危逼間猛悟胸有佩刀遂竊拔鞘力刺其心虎果應手而斃竟得生還若蘇門荅立之俗甘受虎害而莫之敢除每謂祖宗之魂附于虎體故殺之者則子孫不昌以是虎患日增莫或寧處嘗聞彼處獼猴甚多一見虎來即奔上樹虎至樹下睜目咆哮眾猴驚落如果印度國擒虎之法或以樹膠濃糊落葉密排于草地之上中置小狗虎聞吠喊即來攫食膠葉遇觸則粘虎被糊

西曆一千八百七十六年春英儲王巡狩印度時一日集馴象八百鼻暇獵於一大茅野中獲七虎內五頭係儲王之自斃云可謂無比壯遊也

日眯目愈動愈多竟不能脫獵戶遂從而刺之又法以竹織一疎籠人臥其內并攜一犬虎至撲索即以銳矛透櫺刺之又法以木桶作鞍駕于象背桶中置火鎗長矛二三人伏于其內直抵巢穴象助以足人彈以鎗一日之間常有獵十餘虎者印度醫生每煮其皮骨作葯然亦不見其効焉

豹論


豹身高二尺餘首尾長五尺肚白背黃斑駁可愛其性畏人喜啖小獸力能上樹跳躍甚疾類有數種不一其名中有一類可教畷獵小者餵以熟食可使馴如家猫大者教捕鹿麋可使畷如獵犬俗謂虎生三子必有一豹其說非是

西曆一千八百
 百六十六年
 英倫國王
 特頒令
 日來
 百
 一
 大
 百
 日
 特
 英
 百
 西

以木... 善... 獵... 巨... 海...



豺



獵狗




善泗 巨獒

海

攫撲取也又
以脚取謂之
攫以翼擊謂
之搏

犬類

豺狼狐犴皆犬之屬類分善惡性有剛柔惟犬尾捲上豺尾下垂微有差別孕胎六十三日而生產後十日開眼四月出齒兩年長定牝牡交合飲食哺乳則彼此皆同豺狼之性暴而頑常聯羣以捕鹿兔色有黑白二種身高二尺長約三尺每乳八九子性頗畏人飢極亦獵者或放鷹攫其目然後殺之嘗有一貴客駕馬車入山路遇羣狼尾其後似有吞嚙之意客大恐無所為計忽憶車內有長繩乃結數索懸于窗外羣狼佇望疑是網罟並皆散去前數十年英吉利國豺狼甚多民不聊生王乃捐金立約有能獻一豺舌賞銀數元十餘年後豺狼之跡遂絕今



飲同飼飼畜也

人竟有不識其狀者俄羅斯國地近北極寒冷異常豺狼最盛
 曾有數馬兵同行羣狼出而繞之各以火鎗彈斃百餘衆狼猶
 圍繞不解迨彈窮藥盡終為狼所噬殺其慘毒如此又有婦人
 與三子歸家路遇飢狼數百繞車左右婦知不可脫擲幼子于
 車外以飲之初意其得肉則止但狼多肉少不得食者仍隨繞
 不離婦再擲一子于外而狼隨如故又再擲一子狼始少息乃
 策馬抵家夫見子死婦歸怒其心忍即持大斧劈殺其妻事聞
 于官竟將其夫繫獄後遇恩赦釋之狼之為害類多如此云○
 犬之為類小者為犬大者為狗絕大者為獒類分十餘種毛分
 十餘色諸獸為最馴其用為最大西人愛若義僕有育以牽車

收取禽獸也

者有育以牧羊者有育以救人者有育以守夜者有育以捕盜
 者有育以收獵者有育以相警者北極廣莫之野綿亘數百里
 隆冬雪深數尺一望平如銀海過客無路可尋必須藉犬車作
 指南否則有顛躓迷途之險是名車犬其用一也又喘吐國與
 噫吹哩國交界之處有峻嶺曰咄噴橫枕數千餘里兩國貿遷
 之客渡嶺者絡繹不絕然嶺逕崎嶇風霜甚苦道上行人每感
 寒瘴忽覺迷倦遂愾愾昏睡路隅俄而六出紛飛竟為雪葬或
 半途遇雪擁路不前進退維谷僵跌坑窟富而仁者乃于嶺頂
 建一蘭若多畜巨獒以救之纏毡衫于獒身懸樽酒于獒項俟
 使四出獒隨嗅隨行覺雪裡有人獒即挖爬出之蹲守其側俟

毡衫毛織衣也

人醒飲酒穿衣，獒始返去。人若凍死，獒即奔報其主。有一靈獒曾活二十二人好事者，捐金鑄環以鉗其頸，環鑄文字以紀其功。云又有乳母抱小孩立橋觀望，兒在懷間喜躍失手，傾墮水中。傍有巨獒跳從而下，泗嚼救之，是為靈獒。其用二也。又西國多牧羊為生，或數十為羣，或千百為羣。日牧于山，夜宿于野。畜數犬以為巡邏，時或亡羊，即喚犬指使尋覓，萬無一失。是為牧犬，其用三也。又一種名曰血犬，其鼻善嗅，遇有偷兒入室，主使嗅其足跡，雖百里外亦能追攝獲之。曾有亡羊之家，牧者使犬嗅欄跡，賊犬且嗅且行，果獲賊于鄰村數十里外。又有海寇數艘，中有巨獒，賊出行劫，獒亦登岸攘羊，經數晝夜，羊羣死者甚

葯同藥

多。每嚙羊腰而食其腎，後設法以烏鎗斃之。又有醫士入城診脉，路遇跛犬呼引之歸，試以葯敷治其足，數日尋愈。喚使返其主家，後年餘犬另引一跛者直造醫院，搖尾求醫，再以葯治之，使愈乃戢耳並行而去。又有醫士獨行郊野，忽有巨獒隨諸其後，醫士作聲呼喝，獒仰目搖尾如認故主，心竊奇之。同行數里，倏有數賊拔刀攔路，醫士喉獒噬賊，賊眾披靡遂獲免而歸。擬欲留養此獒，獒終遁去。又佛蘭西俗尚皮鞋，好以墨膠磨使瑩潤，以是路有擦匠為人磨擦靴鞋者，嘗有貴紳徒行拜客，偶污其靴，遂出數錢使匠代擦。及行數武，靴復污如前，再擦再污，莫知所自，乃留心瞻顧，見一小犬頻來繞，挫頓悟乃匠使之者。紳

也 挫隨從之義

喜其慧遂以多金購而獲之後攜犬往英吉利一日忽失所在蓋犬已搭火輪船回國歷萬里重洋而尋故主矣西國之犬暑天每有癩病人被咬傷即作犬聲十死八九故西俗定例暑夏須用竹笠籠犬口否則刺殺勿問正為此耳犬之服役于人其用甚大實難盡述天下萬國有人即有犬不以寒暑而絕其類固天之所以衛人也

熊羆論


熊有黑白櫻三種鼻厚而長多產于北方嚴寒之地以山巖樹穴為巢爪長而利力能挖地作窖走以四足行以兩足其勢甚雄每用前足繩殺生獸性頗畏人皮可作裘脂油可作燈燭能

櫻言櫻欄色也


繩殺以兩手緊抱而死也

鬚禿鬚也小髮也
捫按貼之義
韌柔而固也

治風濕髮鬚腸可捫窗明如玻璃筋可作線韌如藤芋喜食樹根野菜尤嗜蜜汁饑極則食肉飲血冬至必入地成蟄類與羆同而體細於羆○羆為北極最大之獸高約四尺長七八尺毛色純白獨行不羣力能以兩手抱馬而行在山攫野獸入水捕海狗獸狗絕蹟則食蔬每產二子性甚慈愛人捉其子母必冒險尋覓人殺其母子則依戀哀呼上樹如貓以爪爬行下樹如人以足先落履冰踏雪行走如常實獸類中之靈動者也嘗有洋船入北泊于山下適有牝羆引子覓食舟人擲肉誘之使近遂以火鎗擊其一子牝羆呼戀不去乃並其母而殺之或謂羆為熊之雌者非



善跑之馬




駕重之馬

夫以天下之大，物類之繁，不可殫述。然其間之奇，不可不察。蓋物之性，各有其長。如馬之類，有善於跑者，有善於駕者。此其大者也。


善跑之馬，其體骨清瘦，其毛色光澤，其行步如飛。此其所以為良馬也。然其性也，不喜重負，不喜勞苦。若欲其為車馬之用，則不可也。

駕重之馬，其體骨壯健，其毛色粗黑，其行步如牛。此其所以為良馬也。然其性也，不喜輕便，不喜安逸。若欲其為馳驅之用，則不可也。


故君子之於馬也，必先察其性，然後用之。若性與用不相符，則其力必竭，其命必危。此所以為治馬之道也。



馬山



家驢



野驢

馬論

家中六畜謂
雞犬馬牛羊
豚也

齡離及芻也

鬪馬戲賽馬
會也
啓呢即一分
時間三里我

家中六畜皆有用于人而服役之良則以馬為最教之戰教之耕教之畋獵無不如意其性少悍其力雄豪有肝無胆常不畏怯駒以四歲長定年不過三十而死平居喜羣不喜獨覓食相讓不相爭呼吸以鼻喘口不張睡少醒多食草入胃不齡離蹄踢兩耳先反向天下之馬以亞喇伯為最良身高八尺日行千里其土人伏野馬之法二三人以繩索其頸駕以鞍勒一人騎而縱之俟其跑躍既倦然後馳教以歸半日之間野馬遂成家馬英吉利佛欄西皆取購焉英國近多鬪馬之戲其賭最豪決勝負于一場動以番銀百萬其絕快之馬每啓呢可跑三里一時

半里也跑跳也一時我今之二時也

王粲三國之時魏人落釵白鳳其名馬也

辰可跑三
百六十里
相馬以鼻孔大四蹄壯毛滑皮薄為良選馬以善跑為上善獵次之騎駕耕駝又次之然渡嶺登山則又不如驢騾之便驢體小劣其性耐駝步驟從容不忙不迫倦不停蹄久勞無病騾則父驢母馬其力尤勝西域用驢皮作履捫鼓或製紙以書券契數百年字不磨滅傳聞亞非利加深山之中產有花驢一種皮紋斑駁如虎駛馳捷速獵捕甚難若得之以為騎乘當勝王粲之落釵白鳳矣

駱駝論


駱駝其狀甚異頭似羊而無角口似兔而崩唇身高六尺蹄有兩甲兩甲分岐處甚淺口內上門牙二下門牙六另有貳牙二齒尖利如虎怒則咬人脊上肉鞍隆高尺許瘦甚則平如牛馬有雙鞍者有單鞍者其色蒼褐紫黃類分數種其性忍耐力能負重致遠常駝日行八十里快駝日行三百里壯者可負千斤劣者亦駝數百人欲駕載駝即屈足跪受重足其力即起若重過其力雖鞭撻亦不起行每胎一子孕十一月而生哺週歲而止乳其壽不過五十年水氣能嗅十餘里每交春季毛茸毳脫長者可織氈絨滑不畏濕其糞乾可代煤其溺製可作藥其肉甘美其

毛茸草茂兒毳毛更生整理也


脰通作胞脰
脰也

根界限也
倪極際也

乳甜滑產于沙漠之地性耐熱而惡寒亞細亞州之西以波斯
土耳其伊犁後藏埃及等處為最多亞墨利加歐羅巴無之其
腹能忍饑時能數日不食其胃能禁渴常能數日不飲胃中另
有水脰能貯清水十餘斤自備其用嘗有賈客乘駝遠出渴極
欲死遂殺駝剖胃取水自救其食喜啖荳麥尤嗜棘刺美而貴
者價值二百餘金凡平原曠野數日不見根倪必須藉駝之力
沙漠土番謂駝為陸舟以其有負荷乘騎之功故也然其性雖
忍耐若無端加以鞭楚則必有報復之智曾有暴客御駝甚虐
駝忍怒不變俟夜深人靜奔就主榻碎嚼其衣適幸暴客他出
次早駝見主歸知計不遂乃氣而死云云




牯牛



牛白


印度人事文為神




牛獅



牛犛



牛野



穀牛




麋

北極人用以牽車




麋



金錢鹿

圍鹿



綿羊



山羊

角不殘物不食生物或曰古所謂麒麟便是偶逸西域來唐山者乎又五雜俎說幾合焉

黑牡丹唐末劉訓好畜牛有客賞庭前牡丹訓惟答之以牛世人遂以黑牡丹為牛異名

丈五食葉不食草翹其首高樹可攀捲其舌大枝可折目能顧後瞻前身勢易仰難俯胎一年而子生產于野而難捕誠為麋類之特夫鹿為北方之產其性耐寒北人藉以作工凡牽車負荷于冰雪之上有非牛馬所可及者且其筋可作弦骨可作器角可熬膠皮可製服故北諺曰家有五百鹿錢財必豐足殆勝于南人黑牡丹矣

涵沈也淹沒也

鱖魚掉尾也

胎生魚論 鯨魚

魚類皆卵生鯨鯢江豚則胎生口有鼻而腹有肺胸有乳而皮無鱗不能涵淹海底每刻必出水面呼吸生氣是水族中之一種未可與鱗介比類也北溟有魚其名為鯤雄曰鯨而雌曰鯢色黑如牛眼細如馬睫有毛而時睡耳有孔無輪廓頰骨如網無牙嚼食一種亦有牙其喉畧大口潤如房喉嚨極小飢則張口以撞魚蝦游則成羣以吹波浪以鼻噴水高二十餘丈胎一歲而生鯨長一十有二尺乳一年而長經二十餘年而始大母性愛子依傍同游呼吸有聲鯢聞數里每一沉潛入水深數百丈每一浮起呼吸約八九息皮內有網脂一層深約十尺曾有一孤鯨悞入淺港西

推同槌骨節也

一噸我二百七十一貫九十六分餘也

滑亂也猶同也謂辯捷人亂異同也

人殺而量之自首至尾長七丈六尺胸濶十四尺四寸頭長十七尺六寸脊骨六十二椎脇骨每邊十四肋每肋長九尺六寸翅長一丈尾尖橫濶一丈八尺骨重三十五敦每敦五百肉重八十五敦骨肉皮血共重二百四十九敦脂油約得三十敦水族衆類固以鯨魚為最大即地上衆生亦當以鯨魚為最大矣然莊子謂鯨之大不知其幾千里蓋亦滑稽之言耳近年英吉利花旗國人多以打鯨取油為業其人駕大船漂游北海日使人上桅以千里鏡窺探見有鯨起即放數三板艇追尋每艇七八人備帶繩纜鈎標等事掉槳直至魚所密伺鯨起即以鈎標力刺其項鯨負痛帶標而沉標落而繩亦落既落復起既起復

標艇旁落繩之處使二人定睛守望一澆水一持刀蓋恐繩落急而激熱成火又恐繩有阻而連船亦沉則持刀者即斷繩而使之離落去也夫鯨雖巨物困極則倦倦極則浮由是縱艇隨其所之各以鎗刃刺之使斃海水盡赤乃以繩纜繫帶于大船之旁剝其皮掘其脂漁父各躡釘履而入往來搬運脂盡始離而去焉有一漁船曾殺四十四鯨前後獲利以數十萬計據云鯨之力在尾奮怒一掉則船為之破而艇為之沉亦險矣哉



鷲鳥



怪鷗



角鷗



雪鷗

方北干產

鷹類論

鷹有數種鳥中虎也所食惟肉嘴爪甚雄翼長能高飛目利鼻善嗅有一類產于熱地專食死尸腐肉名曰鷲鳥項上無毛項下有茸領狀若披肩身長三尺翼長八尺遍體毛羽甚密性耐痛而難死每餵子則吐餌而哺之天竺人死不葬常浮于海以飽鷲腹飢鷲恆飽啖而不能飛又有一種產于冷地性能耐寒自嘴至尾四尺以長橫展兩翼幾及一丈目惟最靈能視日不眩嘴有曲鉤不利于作巢每攫禽畜魚鱉肉食鮮而不食腐足力甚大常能抓物高飛生蛋則于岷巖之上抱之名曰神鷹曰鷲曰鷓曰隼曰鷗曰鳩曰鵂皆為一類惟以狀類大小別其名披肩領巾也

專勿斤扁 三集

耍玩謂遊戲也

扳緣同攀緣

骨朶木亞也

模糊濃淡無分界兒


嘗有孩子在山邊耍玩忽遇巨鵬抓之而去飛至半空猶聞孩子呼叫其母痛切骨髓遙視巨鵬置兒于絕巘之上巖巉千仞莫可如何中有勇者極力扳緣竟至半山而返其母急不自顧遂披茅履險直抵山巔果見其兒臥于骨朶之中血衣模糊悲啼欲絕乃懷抱而下果獲生存又有一種曰鴉曰鴟曰角鴟耳善靜聽目善視夜飛快無聲專食鼠兔日間則伏于樹孔破屋之中夜深鳴啼聲如鼗鼓聽之令人心恐俗謂病者聞聲必死縱有靈驗當亦偶然之事斷非一鳥可能鳴却人命者然其聲慘而哀平人猶不樂聞而况于病體昏沉之時乎凡田場穀倉之處又須藉此以除鼠耗是又鳥中之尤用者

服假駝鳥以捉真駝鳥




鳥駝

鵠頭



鵠足



鵠

產于南洋洲島



髻鶴



長三尺餘產于亞非利加


鶴雀



亞非利加鶴雀



鶴類 西人呼為火烈鳥



無翼禽論

禽本有翼翔空者為飛禽走地者為家禽惟一種有羽而無翼者產于沙漠曠野之地嘴鈍無力日食穀實果蔬頸腿並長蹄有二趾如駝健步疾走馬不能及怒鬪以蹄相踔踢遇物追逐即足以足抓砂石力擲于後勢如炮礮弓彈受者輒傷味鈍目大毛片鬆茸性頗頑鈍有一種產于亞非利加州土名駝鳥毛甚珍貴一羽可值數金每處成羣一雄而數雌皆同窠棲宿一窠常有數十蛋三十一起至六十一止抱四十日而雛生或云其蛋乃借日熱而或云其蛋乃借日熱而成不須翼抱其窠邊另有數十蛋雛一蛋之重約得七十餘兩殼瑩白而硬可以製盃土人獵之之法或騎駿馬而馳射之或服其毛殼而近捉

踔踢踐蹴也
味鳥口也啄也
土名謂其所土人呼稱也
毛殼謂活剝皮也

之鳥身約高七八尺、養使馴熟、可以騎代騾馬、又一種曰鵠、
產于葛羅巴澳大里亞波羅洲之地、足有三趾、比駝鳥而略細、
身高五六尺、一窠七八蛋、其行走食物與駝鳥同、間有骨髻類、
如朱頂鶴、又一種土名鳴駢、獨產于澳大里亞、前十餘年人始
識、有是鳥喙邊鬚豎如戟、嘴尖而長、端有鐵鉤如釣、頭細目小、
足長走疾、夜出覓食、遇光則盲、不見物、足踢之力甚猛、喜食蚯
蚓、土人取其肉、作饌、味如鷄鶩而鮮野、

涉水鳥

鸕鶿之屬、頸足皆長、利于涉水、其類有數種、大小長短不一、其
形每于水濱伺啄魚蝦、嘴長而利、魚體雖滑、亦莫能脫、

明治九年四月廿六日版權免許

明治九年八月廿日刻成



茨城縣平民

頭書並出版人 小室誠一

第一大區八小區

數寄屋町二丁目一番地寄留

東京府平民

發兌人 稻田政吉

第一大區八小區

銀座三丁目九番地

